

**BILAKA NA MUTUYA MONENE
NA LILOBA NA NJAMBE**



Elaka na bomoi na seko

"Nakomeli makambo oyo ete boyeba ete bojali na bomoi na seko, bino bato bokondimelaka nkombo na Mwana na Njambe."

(1 Yoane 5:13)

Mokonji Yesu alobaki ete:

"Solo, solo najali koloba na bino ete ye oyo akoyoka liloba na ngai mpe akondima Motindi na ngai, ajali na bomoi na seko mpe akokoma na esambiseli te kasi asili kolongwa na kufa mpe koingela na bomoi."

(Yoane 5:24)

"Jambi yo ojali malam, e Nkolo, mpe okolimbisaka mabe. Otondi na boboto mpo na bango yonso bakobiangaka nkombo na yo."

(Njembo 86:5)

Elaka na Nkolo Yesu ntina na bato na ye

"Tika ete mitema na bino mitumolana te. Bondima Njambe, bondima mpe ngai. Na ndako na Tata na ngai, bifandelo bijali mingi. Soko bongo te, mbe nasili koloba na bino; jambi nakokenda kobongisela bino esika. Mpe soko nakokenda kobongisela bino esika, nakoya lisusu mpe nakoyamba bino epai na ngai ete esika ejali ngai, bino bojala mpe wana lokula."

"Tika ete mitema na bino mitumolana te, mibanga mpe te."

(Yoane 14:1-3,27)

Elaka na Njambe ntina na bango banyokolami

"Yawe ajali lokola ebatelelo makasi mpo na bango banyokolami; ... Baoyo bayebi nkombo na yo bakondima yo."

"Bianga ngai na mokolo na mpasi mpe ngai nakobikisa yo; yo mpe okokumisa ngai."

(Njembo 9:9-10; 50:15)

Nkolo Yesu alobaki ete:

"Ngolu na ngai ekoki na yo, jambi nguya na ngai ekokisami kati na bolembu."

"Nakotika yo soko moke te, nakosabola yo mpe te." Boye biso toyebi kojala na molende awa elobi biso ete, "Nkolo ajali mosungi na ngai, nakobanga te. Moto akosalela ngai nini?"

(2 Bakolinti 12:9. Baebele 13:5-6)

Elaka na Nkolo ntina na bango bajali na bojito na mitema

"Boya liboso na ngai, bino yonso bojali kolemba na mosala mpe kokumba bojito mpe nakopemisa bino. Bokamata ekanganeli na ngai likolo na bino mpe boyekola na ngai; jambi ngai najali na bopolo mpe na motema mosokemi; bokojuwa kopema mpo na milimo na bino. Mpo ete ekanganeli na ngai ejali na motau, mpe mokumba na ngai ejali na bojito te."

(Matai 11:28-30)

"Ye oyo akoyela ngai, nakobwaka ye libanda soko moke te."

(Yoane 6:37)

Monama ejalaki elembeteli na elaka na Njambe ntina na Noa mpe nyama yonso na bomoi

Njambe alobaki na Noa mpe bana babali na ye ete, "Natii monama na ngai na lipata, mpe yango ekojala elembo na kondimana kati na biso na mokili. Eyangansi ngai mapata na likolo na mokili, mpe emonani monama na lipata, ngai mpe nakokanisa kondimana kati na biso na bino mpe na yango yonso na bomoi."

(Genese 9:13-15)

Wana Njambe abomaki bato kalakala na mpela monene, Noa ajuaki ngolu na miso na Yawe, ye mpe libota na ye

"Mpo na kondima, Noa akebisami mpo na makambo mamonani naino te, mpe atii motema na bojito, atongi masua mpo na kobikisa libota na ye. Na njela yango, asambisi mokili mpe akomi

mosangoli na libula na boyengebene bokoya na njela na kondima."

(Baebele 11:7)

Noa mpe libota na ye babikisamaki na nkanda na Njambe ntina na kondima na bango

Bango bandimaki liloba na Njambe wana ye apesaki bango toli ete, Nkanda na ngai ekoboma bato na mokili. Bango batosaki maloba na ye, babikaki. "Soko na kondima te, ekoki kosepelisa Njambe te. Mpo ete, ekoki na babelemi na Njambe kondima ete ajali, mpe ete akojongisa libonja epai na bango bakolukaka ye."

(Baebele 11:6)

© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com

<http://www.33eme-cers.org/>